


Mazarin  
2844

Prediction merveilleuse...

UNIVERSITY OF N.C. AT CHAPEL HILL



00023007336

**RARE BOOK  
COLLECTION**



**THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL**

Mazarin  
2844



M  
2844

12  
2844

# PREDICTION MERVEILLEUSE.

En laquelle est prognostiquée la  
fin de nos maux.

*Trouvée dans les ruines d'une Maison ren-  
versée par l'inondation des eaux.*



A PARIS,  
Chez JEAN HENAVLT, au Palais, dans la  
Salle Dauphine, à l'Ange Gardien.

M. DC. XLIX.

*Avec Permission.*



PREDICTION

MÉRVAILLEUSE

En laquelle est prognostiquée la

fin de nos maux.

Trouve dans les livres d'une Maison ren-  
nue par l'inspiration des cœurs.



A PARIS.

Chez JEAN HENAVLT, au Palais, dans la  
Salle Dauphine, à l'Anglais-Garden.

M. DC. XLIX.

Adressé Paroissien.





# PREDICTION

## MERVEILLEUSE,

En laquelle est prognostiquée la fin  
de nos maux.

*Trouuée dans les ruines d'une Maison ren-  
uersée par l'inondation des eaux.*



E n'est pas sans grande raison qu'un  
S. Personage desirant donner quelque  
consolation à vne Dame d'une condi-  
tion eminente, affligée de la perte re-  
cente d'un cher Espoux, luy disoit : que  
les œuvres de Dieu estoient admirables. Puisque  
cela s'estant tousiours trouué tres-veritable, est  
encore confirmé par la conioncture des affaires  
presentes. Quelles plus grandes afflictions pou-  
uions-nous souffrir que celles que nous auons res-  
senties ces iours passez, voyants la moitié de no-  
stre florissante ville inondée des eaux, bloquée en  
tous les passages, qui conduisoient les viures dans  
son enceinte? La campagne & les lieux circonuoi-  
sins couuerts d'une pernicieuse canaille, & d'un



amas de Monstres plustost que d'hommes de plusieurs nations estrangeres, qui ne cherchoient que la ruine de nostre chere patrie : Et nous voyons tout soudain que par vn coup du Ciel inopiné, vn rayon de lumiere vient éclairer nos tenebres & dissiper nos craintes & nos apprehensions. Les eauës se sont retirées dedans leur liët ordinaire, après nous auoir fait plus de peur, qu'elles ne nous ont, graces à Dieu, causé de dommage. Le plus grand qui ait paru, s'est rencontré à la Chaussée, à vne lieuë de Sainct Germain en Laye; & c'est en ce mesme lieu, où dans les ruines d'vn edifice, qui fut renuersé de fonds en comble; & comme pour nous consoler de cette perte, on a trouué vne petite boîte, de largeur de neuf poulces, ou enuiron en quarre, assez mal composée, & aussi peu polie, qui enfermoit deux petites placques de cuiure, où estoient grauez quatre Quatrains en lettre antique. Comme ces vers predisoient les calamitez qui nous sont suruenües; aussi nous en promettoient-ils vne fin auantageuse; suiuant l'explication qu'en a fait vn Personage sçauant, & vn arbitre & interprete irreprochable. Le premier quatrain estoit conceu en ces termes :

*Quiconque est refractaire aux Loix,  
Il faut qu'il fasse penitence;  
Mais ceux qui enleuent les Rois,  
Meurent dans la peine & souffrance.*

L'explication de ce Quatrain est si facile, qu'il n'est



n'est pas fort necessaire, apres l'auoir simplement  
 proposé, de s'y trauailler dauantage. Ceux qui sont  
 refractaires aux Loix, suiuant le sentiment de ce  
 Personage, ne sont autres que ceux qui ont agi  
 contre l'Arrest donné en l'an mil six cens dix-  
 sept, portant qu'aucun estranger ne pourroit  
 estre receu à l'administration de l'Estat. Et ce-  
 pendant, ils n'ont pas laissé de receuoir Mazarin  
 dans le maniement des affaires; aussi a-il esté la  
 cause de toutes les trauerfes, qui sont surue-  
 nuës depuis qu'il a pris en main le gouuernement.  
 Et c'est dequoy ils font vne rude penitence.  
 Ne les voyons-nous pas tous les iours occupez aux  
 affaires publiques, surseoir la poursuite de leurs  
 negoces particuliers? Ne les voyons-nous pas conti-  
 nuellement attachez à nos interests, mesme à leur  
 propre dommage, pour nous tirer de l'esclauage,  
 où nous vouloit engager vn temeraire vsurpateur,  
 qui est deuenu tel, de mauuais Ministre estranger  
 qu'il estoit auparauant. Le second Quatrain por-  
 toit ces paroles:

*Je preuoy vn regne François,  
 Qui sera semblable à Tibere:  
 O grand Dieu conseruez nos Rois;  
 Et nous retirez de misere!*

Ceux qui ont autrefois fait lecture de l'Histoire  
 Romaine, n'auront pas grand besoin d'explication  
 pour le second Quatrain proposé: puisque la vie &  
 la prodigieuse fortune de Sejan Fauory de Tibere



Empereur Romain, y est amplement descrite, & à qui celle de Mazarin a vne tres-notable conformité. Cette comparaison est encore parfaitement bien tracée par vn Autheur de nostre temps, dans vne Piece qu'il intitule, L'Ambitieux, ou le portraict d'Ælius Scianus en la personne de Mazarin.

Voyons donc le troisieme Quatrain, dont l'expression est telle:

*Quand l'on comptra quarante-neuf,  
Auecque six cents & vn mille,  
Les habitants d'une grand' ville,  
Auront plus de mal qu'un estœuf.*

Ce troisieme n'est que trop veritable, & nous ne le reconnoissons qu'avec vn fascheux ressentiment, lors que nous voyons vn si grand nombre d'illustres Personages qui composent le Corps de nostre Auguste Arcopage, souffrir iour & nuict de si extraordinaires inquietudes. Dieu veuille, comme nous l'esperons à ce coup qu'ils en recoiuent vne glorieuse recompense par vne issue auantageuse. La fin de leur trauail sera la fin de ce peu que nous y contribuons, puisque toutes nos veilles & nos desirs ne tendent qu'à leur satisfaction particuliere, comme leurs trauaux n'ont pour but que le soulagement de la misere publique. Tel est donc le sens de ce troisieme Quatrain; & il est aisé de comprendre qu'il ne nous marque autre chose que la fuitte funeste des mal-heurs passez, & qui deuient nous attaquer en cette année, puisque ioignant le



deuxiesme vers avec le premier , il se trouuera le nombre de mil six cents quarante-neuf, qui est celui de l'année courante. Mais il semble que l'Auteur de ces Quatrains se soit oublié en quelque chose , disant seulement que les habitans d'une grande ville souffriroient de grandes incommoditez , puisque plusieurs habitans des bourgs & villages circonuoisins en ont eu leur bonne part , & en ont reçu des pertes plus considerables.

Mais en fin le quatriesme Quatrain fait tout le sujet de nostre resiouyssance , puisqu'il nous promet la fin de tous ces troubles en telle façon :

*Mais courage , Pasque viendra  
Et nous aurons du changement,  
Et l'encordonné vrayement  
En grand' feste l'en detiendra.*

Il n'y a personne qui ne voye euidentement que ce Quatrain nous est autant fauorable , que le troisieme nous estoit funeste & espouuentable. Il faut croire par là que les maux qui nous sont arriuez , & qui prennent fin, Dieu mercy, par vne paix tant desirée , nous ont esté enuoyez du Ciel , puisque nous en trouuons, comme il paroist icy, les presages en la terre , & que si la fin en est remise à Pasque , c'est qu'on nous a marqué ce temps pour acheuer entierement de nous mettre en repos , & nous rassurer de toutes nos inquietudes.



de toutes nos infortunes.

remont de nous mesmes en repos, & nous allions

qu'on nous a marqués ce temps pour acheter cette

terre, & que si la fin c'est tant les Pains, c'est

en trouvant, comme il paroist, les passages en la

mer, nous ont esté envoyés du Ciel, puis que nous

qui prenons fin Dieu mercy, par une paix tant de-

croire par là que les maux qui nous sont arrivés, &

sieste nous estoit funeste & espouvantable. Il faut

ce Qu'ainsi nous estant tant de mal, que de trou-

Il n'y a personne qui ne voye évidemment que

En grand fesse l'on devine.

Et l'ordonnance s'y fait.

Et nous sommes du changement.

Mais contre, P'assez de mal.

avec la fin de tous ces troubles en telle façon :

Juste de nostre reconnaissance, puis qu'il nous pro-

Mais en fin le quatriesme Qu'ainsi fait tout le

ont recu des pertes plus considérables.

ges circonvoisins en ont eu leur bonne part, & en

ces, puis que plusieurs habitants des bourgs & villa-

grande ville souffrent de grandes inconvénien-

chose, disant seulement que les habitants d'une

thent de ces Qu'ainsi se font oubliés en quelque

luy de l'année courante. Mais il sembleroit que l'au-

nombre de mille ans d'attente n'est, qui est ce-

deuxième vers avec le premier, il se trouvera le







